



Groupe parlementaire

N°3598
Entrée le 04.02.2026
Chambre des Députés
Déclarée recevable et urgence non-reconnue
Président de la Chambre des Députés
(s.) Claude Wiseler
Luxembourg, le 05.02.2026

Här Claude Wiseler

President vun der Deputéiertechamber

19, um Krautmaart

L-1728 Lëtzebuerg

Lëtzebuerg, de 4. Februar 2026

Här President,


esou wéi den Artikel 81 vum Chambersreglement et virgesäit, biede mir lech, dës dréngend parlamentaresch Fro un d'Madamm Verkéiersminister weiderzeleeden.

An der Nuecht vum 3. op de 4. Februar, souwéi an de fréie Moiesstonne koum et op verschiddene Plazen am Land zu Accidenter mat Blesséierten. D'Ursaach waren all Kéiers déi glat Stroossen, well hei net gestreet gouf. D'Meldunge vun der Meteo waren iwwerdeems kloer, an et war allgemeng virauszegesinn, datt aus der Kombinatioun aus Reen an Temperaturen ëm de Gefrierpunkt op mannst mat Geforesituatiounen ze rechnen wier.

An deem Zesammenhang géife mir der Madamm Minister gär dës dréngend Froe stellen:

- 1) Kann d'Madamm Minister elaboréieren, no wéi enge Prozeduren d'Bereetschaft vum Streedéngscht geplangt an aktivéiert gëtt? Goufen déi Prozeduren an dësem Fall agehalen? Falls net, firwat net?
- 2) Kann d'Madamm Minister matdeelen, wéi vill Streesalz fir dës Wanter virgesi war a wéi vill dovun schon opgebraucht gouf? Huet e Mangel u Streesalz dozou bäigedroen, datt net gestreet gouf?
- 3) Kënne Leit, déi bei Accidenter blesséiert goufen oder e Sachschued erlidden hunn, sech an dësem Fall op déi zivil Haftpflicht vum Staat beruffen an eng Entschedegung ufroen? Falls jo, no wéi enger Prozedur? Falls net, firwat net?
- 4) D'Regierung huet sech am Koalitiounsaccord der "vision zéro" verschrifwen an an deem Kader ë.a. d'Zuel vun de Radaren erhéicht. Wéi verdréit sech déi Politik vun der "vision zéro" domat, datt d'Regierung duerch Ënnerloossung vun hiren eegene Flichten sou zur Onsécherheet op eise Stroosse bäidréit?

Mat déiwem Respekt,



Dan Hardy
Deputéierten



Michel Lemaire
Deputéierten